

# Powšitkowne WOZJEWJENJA

njedźelu, 29. septembra 2013

## **Nyšpor z požohnowanjom konjacych zapřahow**

Towarstwo Cyrila a Metoda, sekcija wěda a skutk, přeprošuje tež lětsa na wosebity nyšpor domchowanki z požohnowanjom konjacych zapřahow. Tutón budže tutu njedźelu, 29. septembra, w 14 hodź. w Chrósćicach na luce při Hatkach. Dujerjo Chróšćanskeje wosady nyšpor wobrubja.

## **Džeń za 3. a 4. lětnik**

Džěci 3. a 4. lětnika su sobotu, 12. oktobra, wot 9 do 15 hodź. na zhromadny džeń do Don Boskoho domu we Worklecach přeprošene. Zajimcy njech so prošu hač do pónđzele, 7. oktobra, pod telefonowym čisłom (03 5796) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk we wysokosći třoch eurow.

## **Wjacednjowska jězba za džěci 5. a 6. lětnika**

Na pućowanje po slědach swjateho Bena a na wotkrywanje dalších zajimawostkow kónčiny mjez Drježdžanami a Mišnom přeprošuje Dekanatne dušepastyrstwo džěci 5. a 6. lětnika wot pónđzele do štwórtka, 21. do 24. oktobra. Za jězbu zběra so wot kóždeho wobdźělnika přinošk we wysokosći 60 eurow. Zajimcy njech so prošu hač do pónđzele, 7. oktobra, pod telefonowym čisłom (03 57 96) 8 87 07 we Worklecach přizjewja.

## **„Spěwace pišćele“**

Klasiske twórby, kotrež so na njezwučene wašnje přednjesu, zaspěwa bariton Urmas Pevgonen a zahraje organist Karol Bialas njedźelu, 6. oktobra, w 17 hodź. w Chróšćanskej cyrkwi. Swój koncert mjenujetaj „Spěwace pišćele“.

## **Młodži ženjeni a swójby zhromadnje do noweho lěta**

Młodži ženjeni a swójby su wot pónđzele, 30. decembra, do srjedy, 1. januara, na zhromadne dny do Winfriedowego domu w Schmiedebergu přeprošene. Započnu pónđzelu z wječerju a zakónča Nowe lěto z wobjedom. W tutych dnjach chcedža zhromadnje rozmyslować, so modlić, w dobrej towaršliwosći přebywać a tak do noweho lěta přeńć. Zajimcy njech so prošu přizjewja pola Čemjerec we Worklecach pod telefonowym čisłom (03 57 96) 9 49 65 abo přez mailku cemjer@t-online.de. Tam zhonja tež plaćiznu a dalše detajle.

## **W Domje swjateje Ludmile pytaja fachowu móc**

W Chróšćanskim Domje swjateje Ludmile pytaja hladarku abo hladarja starych ludźi respektiwne chorobnu sotru abo hladarja. Dalše informacije dóstanu zajimcy wot wjednistwa domu, telefonowe čisło (03 57 96) 9 47 10.